



FIXA TEMÁTICA N. 5

Estratèxia Seguransa Ai-Han no Nutrisaun CPLP nian

ESTRATÈXIA SAN CPLP NIAN

Iha tinan 2011, Estadu-membru Komunitade Nasaun Língua Portugeza (CPLP) hahú hakaat importante teb-tebes atu aprova Estratèxia Seguransa Ai-han no Nutrisaun Komunitade nian (ESAN-CPLP).

Estratèxia ida ne'e, bazeia ba perspetiva Dureitu Umanu ba Ai-han Adekuada (Haree Fiza N.2), foka liu ba reforsu governansa SAN nian no buka atu fó sentralidade ba estratèxia no programa sira seguransa ai-han no nutrisaun nian (Haree Fixa N.1) no soberania ai-han (Haree Fixa N.3) no panorama polítiku no lejislativu iha nasaun Komunitade nian no nia sentra liu iha eixu prinsipál tolu.

OBJETIVU

Kontribui atu hapara hamalaha no ki'ak iha CPLP, liuhusi hametin kordenasaun Estadu-membru sira no governabilidade di'ak liu polítika no programa setoriál seguransa ai-han no nutrisaun, bazeia ba direitu umanu ba ai-han.

Iha: ESAN-CPLP

EIXU 1 – HAFORSA GOVERNANSA SEGURANSA AI-HAN NO NUTRISAUN

Eixu ida-ne'e nia foku mak fortalesimentu institusionál ba seguransa ai-han no nutrisaun iha nível nasional no iha nível CPLP nian, asegura atór relevante sira-nia partisipasaun, hanesan maneira ida atu hadi'ak polítika sira-nia kordenasaun no koérensia iha nível lokál, nasional, rejional no globál.

EIXU 2 – PROMOSAUN ASESU NO UTILIZASAUN AI-HAN ATU HADI'AK GRUPO VULNERÁVEL SIRA-NIA MORIS

Eixu ida-ne'e nia foku mak ba grupu vulnerável liu ba inseguransa ai-han no nutrisaun, no fasilita asesu ba ai-han (ho kuantidade no qualidade adekuada) no ba servisu báziku (bee, saneamentu, saúde, nsst), atu hadi'ak moris no promove grupu sira-ne'e nia inkluzsaun sosiál, liuliu agrikultór no komunitade rural sira.

EIXU 3 – AUMENTA DISPONIBILIDADE AI-HAN BAZEIA BA MODELU PRODUSAUN, PROSESAMENTU NO DISTRIBUISAUN SUSTENTÁVEL

Eixu ida-ne'e nia foku mak aumenta disponibilidade ai-han, atu hatan ba nesesidade ai-han populasaun nian, liuhusi reforsu produsaun interna ho baze iha produtór kiik sira. Fó prioridade ba grupu ida-ne'e nu'udar baze ba produsaun interna ai-han nian posibilita, tan ne'e, hatan ba nesesidade ai-han nian, liuhusi daln autokonsumu nian, no liuhusi hasa'e rendimentu familiár disponível liuhusi fa'an nian produsaun.

SAN NIA GOVERNANSA

ESAN-CPLP propõin implementasaun eixu sira-ne'e liuhusi sistema governansa intersetorial, no favorese asaun kordenada ida iha nível oioin (lokál, rejional no globál). Iha kuadru estratèxia nia laran kria ona órgaun sira tuirmai:

- **Konsellu Seguransa Ai-han no Nutrisaun CPLP nian (CONSAN-CPLP):** Plataforma ministeriál ida no multi-atór ne'ebé harii atu kordena polítika no programa ne'ebé dezenvolve iha área SAN nian no ba asesoria Konferénsia Xefe Estadu no Governu CPLP nian kona-ba SAN iha Komunitade. Objektivu CONSAN-CPLP mak promove intersetorialidade no partisipasaun sosiál iha polítika sira-nia kordenasaun, lejislasaun no programa asaun sira-nian ba SAN.
- **Sekretariadu Tékniku Seguransa Ai-han no Nutrisaun CPLP nian:** Mak órgaun asesoria téknika, administrativa no komunikasaun CPLP nian ida ba área SAN, ne'ebé atu servisu ho Sekretariadu Ezekutivu CPLP nian no Pontu-Fokál Koperasaun CPLP nian, atu kordena medida polítika sira no implementa ESAN-CPLP no fó asesoria ba CONSAN-CPLP.

PRINSÍPIU POLÍTIKU SIRA NE'EBÉ ESAN-CPLP ASUME ONA

KRIA NO HAMETIN KUADRU LEGÁL SIRA

Timor Leste asina tiha ona instrumentu internasionál ne'ebé relasiona ho DHAA, liuliu PIDESC no nia Protokolo Adisionál. Iha tinan 2015, aprova tiha Política Nasionál Seguransa Ai-han (PNSA), subordinada ba Ministériu Agrikultura no ne'ebé prevee atór oioin sira-nia partisipasaun iha Komité Nasionál Seguransa Ai-han. DHAA konsagra tiha ho maneira esplisita iha PNSA.

KRIA NO HAMETIN KUADRU INSTITUSIONÁL SIRA

Rekomenda, entre aspetu sira seluk tan, dezenvolve esforsu atu vinkula SAN ho maneira institusionál no política ne'ebé korresponde ba órgaun ierárkiku governamental ne'ebé aas liu no foti abordajen intersetoriál iha kadru política SAN nian. Atu reforsa kadru institusionál SAN nian, importante atu haforsa grupu sosiál vulnerável liu sira-nia partisipasaun, inklui mós agrukultór kiik, peskadór no feto sira.

KRIA NO HAMETIN POLÍTIKA PÚBLIKA SIRA

Rekomenda, entre aspetu sira seluk tan, atu implementa no koordena política no programa sustentável koperasaun alimentár nian no promove agrikultura familiár nian (ezemplu: política atu fó apoiu ba produsaun, programa governamentál atu sosa produsaun agrikula familiár).

KRIA NO HAMETIN KUADRU ORSAMENTÁL SIRA

Rekomenda, entre aspetu sira seluk tan, fó kontribuisaun espesífika progressiva ba Fundu Espesial CPLP nian, determina ona ba área SAN, ba promosaun ierarkizada atividade komún sira ne'ebé identifika iha kadru ESAN nian.

SOSIEDADE SIVIL NIA KNAAR NO DEZAFIU ATU IMPLEMENTA ESAN-CPLP

- **Monitoriza** no avalia situaesun inseguransa ai-han no nutrisaun no política nasional ho impaktu iha agrikultura familiár no soberania ai-han tuir perspetiva DHAA (inklui programa abastesimentu kantina eskolár liuhusi produtór lokal, mekanizmu reserva alimentár rejional).
- Reforsa **kapasitasaun** agrikultór familiár sira nian iha área DHA, SAN no dezenvolvimentu sustentável nian, no inklui kestaun sira transversál ne'ebé relasiona ho asesu ba biodiversidade no matenek tradisionál asosiadu, jéneru no mudansa klimatika.
- Partisipa iha **fatin institusionál** oioin diálogo polítiku ba agrikultura no SAN, liuliu iha konsellu lokal no nasional.
- Implementa **kampaña** nasional atu defende agrikultura familiár, soberania ai-han no DHA.
- **Sistematiza** prátika sira no matenek tradisionál, disemina teknolojia sosiál no ambientál ba produsaun no transformasaun, simples no ho kustu kiik, ba agrikultura familiár.
- Promove **fahé esperiénsia no informasaun** kona-ba maneira produsaun agroekolójiku no estratéjia asesu ba merkadu lokal.

Informasaun liutan kona-ba ESAN-CPLP iha <http://www.cplp.org/id-2391.aspx>

Autór: ATUAR – Associação para a Cooperação e o Desenvolvimento. Portugal (<http://www.actuar-acd.org/>)

Publikasaun ne'e produzir ho apoiu husi União Europeia. Ho konteudu eksklusiva ba responsabilidade HASATIL no mos la bele, iha kasu ruma, konsidera nudar expresaun ba posisaun União Europeia"

Projeto Assistência Técnica no Háftora kompetensia HASATIL nian no Organizasaun "Sosiidade Sivil ba Dezenvolvimentu Rural" iha Timor Leste (FEO/2012/204-340)

